

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

**ДОМ НАРОДА  
ПРЕДСТАВНИЧКИ ДОМ**

**DOM NARODA  
PREDSTAVNIČKI DOM / ZASTUPNIČKI DOM**

Привремена заједничка комисија оба дома  
Парламентарне скупштине Босне и  
Херцеговине за спровођење процедуре за избор  
четири члана Управног одбора Агенције за  
развој високог образовања и обезбјеђивање  
квалитета

Privremena zajednička komisija oba doma  
Parlamentarne skupštine Bosne i Hercegovine  
za provođenje procedure za izbor četiri člana  
Upravnog odbora Agencije za razvoj visokog  
obrazovanja i osiguravanje kvaliteta

Privremeno zajedničko povjerenstvo obaju  
domova Parlamentarne skupštine Bosne i  
Hercegovine za provođenje procedure izbora  
četiri člana Upravnog odbora Agencije za  
razvoj visokog obrazovanja i osiguranje  
kvalitete

Broj: 01,02-50-16-1729-5,1/23  
Sarajevo, 20. 11. 2023.

21-11-2023

01,02-50-16-1729-5,1/23

B

**PARLAMENTARNE SKUPŠTINE BiH**

**PREDSTAVNIČKOM DOMU**

**DOMU NARODA**

Na osnovu člana 56. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 41/06, 81/15, 97/15, 78/19, 26/20, 53/22 i 59/23), člana 46. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16) i člana 51. Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), Privremena zajednička komisija oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta na 5. sjednici, održanoj 20. 11. 2023, usvojila je te Predstavničkom domu i Domu naroda Parlamentarne skupštine BiH podnosi sljedeći

**IZVJEŠTAJ**

**o utvrđivanju Prijedloga rang-liste kandidata za izbor tri člana Upravnog odbora  
Agencije za razvoj visokog obrazovanja i osiguranje kvaliteta i izbor jednog člana koji  
će dužnost preuzeti umjesto razriješenog člana Upravnog odbora**

## **I. Imenovanje članova Privremene zajedničke komisije oba doma Parlamentarne skupštine Bosne i Hercegovine za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta**

Parlamentarna skupština BiH je na 8. sjednici Predstavničkog doma, održanoj 5. jula 2023, i na 7. sjednici Doma naroda, održanoj 25. jula 2023, imenovala članove Privremene zajedničke komisije oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta (u daljnjem tekstu: Privremena zajednička komisija).

Zaključkom Parlamentarne skupštine BiH („Službeni glasnik BiH“, broj 52/23) u Privremenu zajedničku komisiju imenovani su: Darijana Filipović, Miroslav Vujičić i Rejhana Dervišević iz Predstavničkog doma, te Snježana Novaković-Bursać, Kemal Ademović i Marina Pendeš iz Doma naroda Parlamentarne skupštine BiH.

## **II. Zadaci i hronologija rada Komisije**

U skladu s članom 51. Okvirnog zakona o visokom obrazovanju u BiH, te čl. 3, 5, 7, 8, 10, 11. i 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Sl. glasnik BiH“, broj 37/03), zadatak Privremene zajedničke komisije bio je da sačini potreban akt o svom radu, te provede daljnju proceduru izbora i predlaganja imenovanja u skladu s navedenim zakonskim propisima i aktom o svom radu.

Kako bi realizirala svoje zadatke, Privremena zajednička komisija održala je pet sjednica.

Konstituirajuća sjednica održana je 30. 8. 2023. Na ovoj sjednici članovi Privremene zajedničke komisije jednoglasno su za predsjedavajuću izabrali Darijanu Filipović, za prvu zamjenicu predsjedavajuće Snježanu Novaković-Bursać, a za drugog zamjenika Kemala Ademovića.

S ciljem javnosti rada, na veb-stranici PSBiH objavljeni su određeni akti, kao što je tekst Javnog konkursa i najave održavanja sjednica.

Postupajući u skladu sa svojim nadležnostima, Privremena zajednička komisija je na 2. sjednici, održanoj 6. 9. 2023, usvojila Poslovnik. Poslovnikom su propisani način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju - javno saslušanje kandidata, kriteriji bodovanja, postupak bodovanja i utvrđivanje prijedloga jedinstvene liste kandidata i druga pitanja.

U skladu s Okvirnim zakonom o visokom obrazovanju u Bosni i Hercegovini, Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine, te odredbama čl. 7. do 10. Poslovnika, Privremena zajednička komisija je na istoj sjednici pripremila i donijela Odluku o objavljivanju Javnog konkursa za provođenje procedure za izbor četiri člana Upravnog odbora Agencije za razvoj visokog obrazovanja i osiguranje

kvaliteta. Uslove Javnog konkursa Komisija je utvrdila na osnovu navedenih zakonskih i odredbi Poslovnika Komisije.

Javni konkurs objavljen je u: „Službenom glasniku Brčko Distrikta BiH“, broj 28/23 od 14. 9. 2023, u „Službenom glasniku BiH“, broj 63/23 od 15. 9. 2023, te na veb-stranici Parlamentarne skupštine BiH 15. 9. 2023, a Obavještenje o Javnom konkursu u Oslobođenju, Večernjem listu i Glasu Srpske 15. 9. 2023.

**Javni konkurs raspisan je za izbor tri člana Upravnog odbora Agencije za razvoj visokog obrazovanja i osiguranje kvaliteta, na period od tri godine, i jednog člana umjesto razriješenog člana, do isteka mandata.**

**1/01 član Upravnog odbora iz bošnjačkog, hrvatskog i srpskog naroda (tri izvršioca)**

**1/02 član Upravnog odbora iz bošnjačkog naroda (umjesto razriješenog člana - jedan izvršilac)**

Rok za podnošenje prijave na Javni konkurs bio je (zaključno) 30. septembar 2023.

### **III. Prijavljeni kandidati, utvrđivanje ispravnosti dostavljene dokumentacije i intervju**

U skladu s članom 11. Poslovnika, sljedeći zadatak Privremene zajedničke komisije sastojao se u provjeri formalno-pravne valjanosti, blagovremenosti i kompletnosti prijave kandidata s dostavljenom dokumentacijom.

U ovoj fazi rada Privremena zajednička komisija konstatirala je da se na Javni konkurs prijavilo pet kandidata, i to:

1. VEDAD SMILAGIĆ - za pozicije 1/01 i 1/02
2. DŽENITA LJUCA - za poziciju 1/01
3. NENAD PONORAC - za poziciju 1/01
4. IVO ČOLAK - za poziciju 1/01
5. MILICA VUKOVIĆ - za poziciju 1/01

Komisija je na 3. sjednici, održanoj 31. 10. 2023, pojedinačno i detaljno razmotrila svaku prijavu kandidata i dokumente dostavljene uz nju.

Nakon uvida u dokumentaciju svakog prijavljenog kandidata, Privremena zajednička komisija konstatirala je da četiri kandidata, i to: Vedad Smailagić - za pozicije 1/01 i 1/02, Dženita Ljuca - za poziciju 1/01, Nenad Ponorac - za poziciju 1/01 i Ivo Čolak - za poziciju 1/01, ispunjavaju uslove konkursa.

Prijava kandidatkinje Milice Vuković odbačena je kao nepotpuna jer nije dostavila dokumente kako je to propisano tekstom Javnog konkursa u dijelu *Posebni uslovi za pozicije 1/01 i 1/02 i Potrebni dokumenti* pod rednim brojem 3, dokaz o akademskom zvanju redovnog univerzitetskog profesora.

Na osnovu člana 11. stav 2. Poslovnika Komisije, kandidatkinja je pismeno obaviještena da njena prijava neće biti razmatrana.

U skladu s članom 12. Poslovnika Komisije, četiri kandidata pozvana su na intervju. O datumu, vremenu i mjestu održavanja intervjua svi kandidati pismeno su obaviješteni.

Komisija je na 4. sjednici, održanoj 20. 11. 2023, obavila intervju - javno saslušanje kandidata.

Intervjuu su se odazvala četiri kandidata, i to:

1. VEDAD SMILAGIĆ - za pozicije 1/01 i 1/02
2. DŽENITA LJUCA - za poziciju 1/01
3. NENAD PONORAC - za poziciju 1/01
4. IVO ČOLAK - za poziciju 1/01

Privremena zajednička komisija je, u skladu s članom 13. Poslovnika, sačinila obrazac - tabelu za ocjenjivanje svakog kandidata od prisutnih članova Privremene zajedničke komisije. Broj bodova svakog kandidata količnik je sabranih ocjena koje je dao svaki intervjuu prisutni član Komisije podijeljen s brojem intervjuu prisutnih članova Komisije.

#### **IV. Utvrđivanje prijedloga rang-liste kandidata**

U skladu s članom 14. Poslovnika Privremene Zajedničke komisije, njen sljedeći zadatak bio je da, nakon provedene procedure, utvrdi prijedlog rang-liste kandidata s tačnim brojem pozicija propisanih Okvirnim zakonom o visokom obrazovanju u Bosni i Hercegovini, odnosno prijedlog rang-liste od četiri, prema mišljenju Komisije, najuspješnija kandidata za članove Upravnog odbora Agencije. Komisija je pri tome bila obavezna ispoštovati uslove utvrđene Okvirnim zakonom o visokom obrazovanju u Bosni i Hercegovini - zastupljenost konstitutivnih naroda i zvanje redovnog univerzitetskog profesora za sva četiri kandidata. Također, Komisija se obavezala da će, poštujući zakonske i odredbe Poslovnika, u svom izvještaju domovima Parlamentarne skupštine BiH, nakon prijedloga rang-liste za Upravni odbor, u daljnjem tekstu posebno navesti imena i bodove za sve kandidate s kojima je obavljen intervju, a koji su, prema mišljenju Komisije, bili manje uspješni u odnosu na kandidate s jedinstvene liste.

IV. 1. Kako se Komisija, u skladu s članom 14. Poslovnika, obavezala predložiti domovima Parlamentarne skupštine BiH listu kandidata za imenovanje članova Upravnog odbora s tačno propisanim brojem pozicija za imenovanje, vodeći računa i o obavezi da od tri člana Upravnog odbora po jedan član treba biti predstavnik bošnjačkog, srpskog i hrvatskog naroda, te jedan član iz bošnjačkog naroda (umjesto razriješenog člana).

## PRIJEDLOG

### RANG-LISTE ZA IZBOR TRI KANDIDATA ZA IMENOVANJE ČLANOVA UPRAVNOG ODBORA AGENCIJE ZA RAZVOJ VISOKOG OBRAZOVANJA I OSIGURANJE KVALITETA

Redni broj	Kandidat	Pripadnost narodu	Broj bodova
1.	Nenad Ponorac	S	50
2.	Dženita Ljuca	B	49,8
3.	Ivo čolak	H	49,8

IV. 2. Nakon provedenog intervjua i bodovanja kandidata, Komisija je utvrdila sljedeću listu svih kandidata za člana Upravnog odbora Agencije:

Redni broj	Kandidat	Pripadnost narodu	Broj bodova
1.	Nenad Ponorac	S	50
2.	Dženita Ljuca	B	49,8
3.	Ivo čolak	H	49,8
4.	Vedad Smailagić	B	49,4

**IV. 3. Rang-lista za izbor člana Upravnog odbora koji će dužnost preuzeti umjesto razriješenog člana Sanjina Kodrića („Službeni glasnik BiH“, broj 41/23 od 9. 6. 2023) u skladu s članom 7. Poslovnika o radu Upravnog odbora Agencije za razvoj visokog obrazovanja i osiguranje kvaliteta, broj: UO-01-2-17/12 od 19. 11. 2012, na period do isteka redovnog trogodišnjeg mandata 16. 4. 2024. – „Službeni glasnik BiH“, broj 23/21 od 16. 4. 2021.**

<b>Redni broj</b>	<b>Kandidat</b>	<b>Pripadnost narodu</b>	<b>Broj bodova</b>
<b>1.</b>	<b>Vedad Smailagić</b>	<b>B</b>	<b>49,6</b>

#### **V. Dostavljanje prijedloga rang-liste kandidata u parlamentarnu proceduru**

Komisija je na 5. sjednici, održanoj 20. 11. 2023, jednoglasno usvojila prijedlog liste kandidata za Upravni odbor Agencije za razvoj visokog obrazovanja i osiguranje kvaliteta.

U skladu sa zakonskim i poslovničkim odredbama, Komisija dostavlja utvrđeni prijedlog liste kandidata za Upravni odbor Agencije za razvoj visokog obrazovanja i osiguranje kvaliteta Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o ovom izvještaju Komisije u domovima Parlamentarne skupštine BiH određeni su:


- iz Predstavničkog doma - Darijana Filipović, predsjedavajuća Komisije,

- iz Doma naroda - Snježana Novaković-Bursać, prva zamjenica predsjedavajuće Komisije.

Predsjedavajuća

Privremene zajedničke komisije

**Darijana Filipović**



**Dostaviti:**

- Kolegiju Predstavničkog doma
- Kolegiju Doma naroda
- a/a

**Prilog:** Prijedlog rang-liste za izbor tri kandidata za imenovanje članova Upravnog odbora Agencije za razvoj visokog obrazovanja i osiguranje kvaliteta i liste za izbor jednog kandidata koji će dužnost preuzeti umjesto razriješenog člana Upravnog odbora

**PRIJEDLOG**

**RANG-LISTE ZA IZBOR TRI KANDIDATA ZA IMENOVANJE ČLANOVA  
UPRAVNOG ODBORA AGENCIJE ZA RAZVOJ VISOKOG OBRAZOVANJA I  
OSIGURANJE KVALITETA**

Redni broj	Kandidat	Pripadnost narodu	Broj bodova
1.	Nenad Ponorac	S	50
2.	Dženita Ljuca	B	49,8
3.	Ivo Čolak	H	49,8

Rang-lista za izbor člana Upravnog odbora koji će dužnost preuzeti umjesto razriješenog člana Sanjina Kodrića („Službeni glasnik BiH“, broj 41/23 od 9. 6. 2023) u skladu s članom 7. Poslovnika o radu Upravnog odbora Agencije za razvoj visokog obrazovanja i osiguranje kvaliteta, broj: UO-01-2-17/12 od 19. 11. 2012, na period do isteka redovnog trogodišnjeg mandata do 16. 4. 2024. – „Službeni glasnik BiH“, broj 23/21 od 16. 4. 2021.

Redni broj	Kandidat	Pripadnost narodu	Broj bodova
1.	Vedad Smailagić	B	49,6

Predsjedavajuća

Privremene zajedničke komisije

Darijana Filipović

